



Aruba no ta paga



Ta parce cu Aruba a scapa un gasto extra inespera relaciona cu e proyecto di ex astronauta Wubbo Ockels, Ecolution.

Les a pagina A4

Prome Minister Mike Eman

Boto di Wubbo Ockels ta sigui su trayecto pa Aruba sin gasto adicional



E boto Ecolution di Wubbo Ockels

ORANJESTAD – Algun dia pasa e boto Ecolution di Wubbo Ockels cu a sali pa Aruba, a haya su mes den problema. E zeilboot a confronta problema di motor y e biento tabata supla den un otro forma cu a spera y e momento ey awa a drenta den e motornan di diesel di e boto y mesora a bay puerto pa reparacion. Prome Minister Mike Eman a tuma contacto cu Wubbo Ockels, comokiera cu ta riba peticion di gobierno di Aruba e boto ta biniendo Aruba y e la keda informa cu tur hende ta bon y

cu e boto ta cla pa sali. E boto di Wubbo Ockels ta unico den su forma. Ecolution ta un boto cu e ex astronauta Hulandes a traha pa funciona na un manera mas eficiente cu energia. Riba caminda den e canal di Hulanda y Inglatera e boto a sufri un problema cu motor. E motor ta adapta cu tecnologia nan nobo y mirando cu no kier a core risico di perde e motor, a pidi asistencia pa drenta e waf di Inglatera.

YEGADA ECOLUTION

E grupo a indica cu entre ayera

y awe nan ta sigui cu nan direccion rumbo pa islanan Canaria. Si tur cos sigui segun plan, dia 2 di december nan ta bay cuminsa crusa Oceano pa yega Aruba rond di 22 pa 23 di december. E momento cu crusa Oceano ta bira e crusada grandi y mester sigui esaki di cerca. E grupo ta hopi consciente di siguridad y no ta bay haci nada peligroso.

TECNOLOGIA Y GASTO

E laman ta grandi y Ecolution ta uzando tecnologia nobo pa crusa laman. E bela y motornan ta totalmente diferente.

E motornan ta electrico y ta genera coriente por medio di e molinanan cu ta core den awa. Importante ta cu corant nan na Hulanda ta yena di promocion cu e boto y si cada biaha tin mas noticia, e promocion pa Aruba ta bira mas grandi. Aruba na e momentonan aki ta contento cu e promocion cu e boto Ecolution ta hayando. Prome Minister Mike Eman a indica cu loke a pasa cu e boto, no tin ningun consecuencia pa e fondo cu a pone disponibel pa e boto realisa su biahe pa Aruba. □



Ex astronauta Wubbo Ockels